



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 04-01-11-4-10152-17

Dana: 02.07.2024. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 70. Zakona o javnim nabavkama („Službeni glasnik Bosne i Hercegovine”, br. 39/14 i 59/22) i preporuke Komisije za javne nabavke Ministarstva unutrašnjih poslova Kantona Sarajevo za 2024. godinu, imenovane Rješenjem broj broj: 05-01-30-1-2317, od 18.01.2024. godine i Rješenjem broj: 05-1-30-1-2317-2, od 13.02.2024. godine, u postupku javne nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, d o n o s i

ODLUKU

o izboru ponuđača za nabavku građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo

I

Na osnovu Odluke o pokretanju postupka nabavke broj 04-01-11-4-10152 od 07.03.2024. godine i Obavještenja o nabavci broj 1364-1-3-50-3-40/24 od 08.03.2024. godine na portalu Agencije za javne nabavke objavljen je postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, putem otvorenog postupka.

II

Prihvata se preporuka Komisije za javne nabavke, imenovane gore navedenim rješenjima, te se shodno Zakonu o javnim nabavkama, primjenjujući kriterij "najniža cijena" i prema rezultatima vrednovanja i rang listi prihvatljivih ponuda, u predmetnom postupku nabavke, ugovor dodjeljuje ponuđaču Mevludin Commmerc d.o.o. Sarajevo u iznosu od 744.029,88 KM bez PDV-a.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

Obrazloženje

Na osnovu Odluke o pokretanju postupka nabavke broj 04-01-11-4-10152 od 07.03.2024. godine i Obavještenja o nabavci broj 1364-1-3-50-3-40/24 od 08.03.2024. godine na portalu Agencije za javne nabavke objavljen je postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, putem otvorenog postupka.

Tok samog postupka:

U skladu sa članom 70. Zakona o javnim nabavkama, nakon otvaranja i evaluacije ponuda i provedene e-aukcije Komisija je jednoglasno dala preporuku ministru unutrašnjih poslova Kantona Sarajevo da u postupku nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, donese Odluku o dodjeli ugovora ponuđaču Bosman d.o.o. Sarajevo, u iznosu od 275.000,00 KM bez PDV-a.

Na predmetnu Odluku o izboru ponuđača broj 04-1-11-4-10152-3 od 17.04.2024. godine, izjavljene su žalbe od strane ponuđača Harysco d.o.o. Sarajevo, Bihacka 1, Sarajevo od 29.04.2024. godine, izjavljena od strane advokata Sanin Pešto iz Sarajeva i ponuđača „Bosman“ d.o.o. Sarajevo, Rakovička cesta broj 18, od 29.04.2024. godine, kojeg zastupa direktor Jahić Osman.

Kod ovog ugovornog organa obje žalbe su zaprimljene na dan 30.04.2024. godine.

Nakon što je Ugovorni organ utvrdio da su žalbe blagovremene, dopuštene i izjavljene od strane ovlaštenih lica i lica koja imaju aktivnu legitimaciju, ugovorni organ je donio Zaključak o odgađanju nastavka postupka, broj 04-1-11-4-10152-4 od 03.05.2024. godine.

O prispjelim žalbama ponuđači su obaviješteni putem portala Agencije za javne nabavke.

Nakon prispjelih žalbi, u prostorijama Sjedišta Ministarstva unutrašnjih poslova Kantona Sarajevo, dana 06.05.2024. godine, održan je sastanak Komisije, na kojem je izvršena analiza žalbenih navoda te izvršena ponovna ocjena ponuda. Sastanku su prisustvovali predsjedavajući, članovi, stručna lica, sekretarka Komisije.

Razmatrajući žalbene navode, ugovorni organ utvrdio je, kako slijedi:

Usvojen je žalbeni navod ponuđača Harysco d.o.o. Sarajevo da je ponuda ponuđača Bosman d.o.o. Sarajevo neprihvatljiva iz razloga što ponuđač nije dokazao uslov tražen u TD u tački 10.3, minimalno izvršen jedan ili više ugovora u prethodnih pet godina, pojedinačno ili kumulativno (2019., 2020., 2021., 2022., 2023. godina) čiji karakter odgovara predmetu nabavke, u minimalnom ukupnom iznosu od 200.000,00 KM bez PDV-a, jer se predmetna nabavka odnosi na rušenje i uklanjanje objekta, a u dostavljenoj potvrdi, koju je izdao Benis d.o.o. Sarajevo Ilidža, je naveden samo predmet nabavke koji se odnosi na rušenje.

Nadalje, ponuđač Bosman d.o.o. Sarajevo je dostavio i potvrdu o uredno izvršenim radovima, izdatu od strane općine Centar, čija ukupna vrijednost izvršenih radova po ugovoru, iznosi 136.838,64 KM bez PDV-a što ne odgovara iznosu traženom TD u tački 10.3. Predmetna potvrda također ne sadrži ni mjesto izvršenja radova.

Usvojen je žalbeni navod ponuđača Harysco d.o.o. Sarajevo da je ponuda ponuđača „Mevludin commerc“ d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, odnosno dostavio je potvrdu koju je izdalo treće pravno lice, Leitner SpA-Ag Italy, a ne pravno lice za koje su izvršeni radovi, Olimpijski centar Jahorina.

Usvojen je žalbeni navod ponuđača Bosman d.o.o. Sarajevo da je ponuda ponuđača Harysco d.o.o. Sarajevo, neprihvatljiva iz razloga što ponuđač nije dokazao uslov tražen u TD u tački 10.3, „da



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

posjeduje u vlasništvu mašine i kamione ili da posjeduje ugovor o lizingu ili najmu istih i to: hidraulični bager, gusjeničar s priključcima i dugom rukom, hidraulični čekić, sjekač za beton, kliješta itd.“

Kao dokaz tražena je saobraćajna dozvola (dokument o registraciji), dokaz o vlasništvu mašina ili dokaz o lizingu ili najmu istih, a ponuđač je dostavio samo upotrebnu dozvolu za rovokopač gusjeničar.

Usvojen je žalbeni navod ponuđača Bosman d.o.o. Sarajevo da je ponuda ponuđača Mevludin commerc d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, „da posjeduje u vlasništvu mašine i kamione ili da posjeduje ugovor o lizingu ili najmu istih i to: hidraulični bager, gusjeničar s priključcima i dugom rukom, hidraulični čekić, sjekač za beton, kliješta itd“.

Kao dokaz tražena je saobraćajna dozvola (dokument o registraciji), dokaz o vlasništvu mašina ili dokaz o lizingu ili najmu istih, a ponuđač je dostavio dokument o registraciji za teretno motorno vozilo N3 kojem je istekla registracija 25.07.2023. godine.

Usvojen je žalbeni navod ponuđača Bosman d.o.o. Sarajevo da je ponuda ponuđača Mevludin commerc d.o.o. Sarajevo, konzorcij sa ponuđačem Radis d.o.o. Istočno Sarajevo, neprihvatljiva iz razloga što ponuđač nije dokazao uslov tražen u TD u tački 10.3, odnosno dostavio je potvrdu koju je izdalo treće pravno lice, Leitner SpA-Ag Italy, a ne pravno lice za koje su izvršeni radovi, Olimpijski centar Jahorina.

Shodno utvrđenom činjeničnom stanju, a u skladu sa članom 69. stav (2), tačka d) Zakona o javnim nabavkama, Komisija je jednoglasno dala preporuku ministru unutrašnjih poslova Kantona Sarajevo da postupak nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, **poništi**.

Na Odluku o poništenju postupka nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo broj: 04-01-11-4-10152-16 od 07.05.2024. godine izjavljena je žalba od strane ponuđača Mevludin commerc d.o.o Sarajevo od 20.05.2024. godine i ponuđača Harysco d.o.o. Sarajevo zastupan po Pešto Saninu advokatu iz Sarajeva, zaprimljena 15.05.2024. godine.

Nakon što je ugovorni organ utvrdio da su žalbe ponuđača Harysco d.o.o Sarajevo i Mevludin commerc d.o.o. Sarajevo blagovremene, izjavljene od strane ovlaštenog lica i dopuštene, ugovorni organ je sačinio izjašnjenje na žalbene navode te kompletirao dokumentaciju koju je proslijedio Uredu za razmatranje žalbi na nadležnost.

Dana 05.06.2024. godine Ured za razmatranje žalbi dostavio je Zaključak o odbacivanju žalbe ponuđača Harysco d.o.o. Sarajevo kao neurednu, kao i Rješenje broj: JN2-03-07-1-1544-10/24 kojim usvaja, žalbu ponuđača Mevludin Commmerc d.o.o Sarajevo i poništava Odluku ugovornog organa o poništenju postupka i vraća na ponovni postupak u kome će postupiti po stavovima ovog Rješenja.

Iz stavova URŽ-a navedenih u gore pomenutom Rješenju evidentno je da su ponude ponuđača Bosman d.o.o. Sarajevo i Harysco d.o.o. Sarajevo formalno pravno nekvalifikovane jer nisu ispunili minimalne uslove zahtijevane TD.

Uvažavajući stavove URŽ-a Komisija za javne nabavke je izvršila ponovni pregled i ocjenu ponuda ponuđača Bosman d.o.o. Sarajevo, Harysco d.o.o. Sarajevo i Mevludin Commmerc d.o.o. Sarajevo i utvrdila sljedeće (vidljivo u dole navedenoj tabeli):

- Ponuda ponuđača Mevludin Commmerc d.o.o Sarajevo je formalno pravno ispravna i kvalifikovana u skladu sa uslovima traženim TD.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

- Ponuda ponuđača Bosman d.o.o. Sarajevo nije formalno pravno ispravna niti kvalifikovana jer nije ispunila uslove tražene TD.
- Ponuda ponuđača Harysco d.o.o. Sarajevo nije formalno pravno ispravna niti kvalifikovana jer nije ispunila uslove tražene TD.

Naime, u predmetnom postupku, dostavljene su tri blagovremene ponude koje imaju sljedeće vrijednosti:

- Harysco d.o.o. Sarajevo u vrijednosti od 769.116,97 KM
- Mevludin commerc d.o.o. Sarajevo u vrijednosti od 744.029,88 KM
- Bosman d.o.o. Sarajevo u vrijednosti od 769.208,70 KM

Nakon što je održana e-aukcija konačna rang lista ponuđača izgledala je ovako:


PONUĐAČ	Iznos Ponude bez PDV-a (KM)	Rang
Bosman d.o.o. Sarajevo	275.000,00	1.
Harysco d.o.o. Sarajevo	280.000,00	2.
Mevludin commerc d.o.o. Sarajevo	744.029,88	3.

Shodno utvrđenom činjeničnom stanju i kriteriju za dodjelu ugovora, a u skladu sa članom 70. Zakona o javnim nabavkama, uvažavajući stavove URŽ-a, Komisija jednoglasno daje preporuku ministru unutrašnjih poslova Kantona Sarajevo da u postupku nabavke građevinskih radova na rušenju i uklanjanju objekta u Kolodvorskoj ulici za potrebe Ministarstva unutrašnjih poslova Kantona Sarajevo, donese odluku o dodjeli ugovora ponuđaču Mevludin Commmerc d.o.o. Sarajevo, u iznosu od 744.029,88 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 104. Zakona o javnim nabavkama.



Dostaviti:

1. Ponuđačima x3
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.

